

四庫全書

史部

欽定四庫全書

河源紀畧卷三十三

雜錄二

和闐河源境

漢書于闐多玉石

晉法顯佛國記于闐其國豐樂人民殷盛盡皆奉
法以法樂相娛衆僧乃數萬人多大乘學皆有衆
食彼國人民星居家家門前皆起小塔最小者可

高二丈許

按于闐國為今回部之和闐其俗信奉天神無事
佛者自此而西南為拉藏地為天竺五印度境始
專奉佛教事佛非和闐俗也自法顯西域記始言
衆僧數萬人紀載家因之多所附會伏讀

御製繙繹名義集正訛文始知前史相傳多失實也今
具載佛國記等語以著其妄其諸史言于闐信
佛者附見一二其餘多從刪節云

魏書西域傳于闐方亘千里連山相次所都城方八九里部內有大成五小城數十城南五十里有贊摩寺即昔羅漢比丘盧旃為其王造覆盆浮屠之所石上有辟支佛跣處雙跡猶存于闐西五十里有比摩寺云是老子化胡成佛之所

按魏書所載辟支佛跣跡水經注已疑其非實至老子化胡成佛其說尤為語怪不經以其為正史所述故附採而訂正之於此

北史西域傳于闐土宜五穀桑麻

又于闐有好馬駝騾

又于闐國王練錦帽金鼠冠妻金花冠

隋書西域傳于闐國山多美玉

唐西域記瞿薩旦那國周四千餘里沙磧大半壤

土隘狹宜穀稼多果出氍毹工紡績絕紬又產白

玉鬘玉俗知禮義人性溫恭好學典藝博達技能

衆庶富樂編戶安業國尚音樂人好歌舞少服毛

褐氍裘多衣純紬白氍文字憲章聿遵印度微改
體勢粗有沿革語異諸國

又瞿薩旦那城東南五六里有鹿𧖇僧伽藍

又瞿薩旦那城西南二十餘里有瞿室餒伽山

唐言

牛角山峯兩起巖隙四絕牛角山巖有大石室中有

阿羅漢入滅心定處數百年間供養無替日近者
崖圯掩塞門徑國王興兵欲除圯石即黑蜂羣飛
毒螫人衆以故至今石門不開

又瞿薩旦那城西百五六十里大沙磧正路中有
堆阜並鼠壤墳也聞之土俗曰此沙磧中鼠大如
蝟其毛則金銀異色為其羣之首長每出穴遊止
則羣鼠為從

又瞿薩旦那城東三百餘里大荒澤中數千頃地
絕無藥草其土赤黑

又東行三十餘里至婁摩城有彫檀立佛像高二
丈餘甚多靈應時放光明凡有疾病隨其痛處金

簿帖像即時痊復曷勞落迦城中有阿羅漢曰從
後七日當雨沙土填滿此城畧無遺類至第二日
大風忽發吹去穢壤雨雜寶滿衢路第七日夜宵
分之後雨沙土滿城中今曷勞落迦城為大堆阜
諸國君王異方豪右多欲掘取其寶物適至其側
猛風暴發煙雲回合道路迷失

按西域記載婉摩城彫檀立佛像凌虛來去及
阿羅漢雨雜寶沙土事未免虛誕至其稱曷勞

落迦城為沙土所沒成大堆阜足以證西城流
沙之說蓋和闐東境地域宏邈昔時多有城郭
後因沙土委積城大戈壁如渠勒精絕戎盧小
宛諸國皆不復漢時之舊不獨曷勞落迦城也
書史寥濶無能知其變遷之由唐元奘親歷其
地得諸傳聞雨沙成阜信而有徵其佛像羅漢
之說則彼土無識者之所附會耳今附採其事
為砂磧之考証云

又婉摩川東入沙磧行二百餘里至尼壤城周三
四里在大澤中澤地熱濕難以步履蘆草荒茂無
復逌逌惟趨城路僅得通行故往來者莫不由此
瞿薩旦那以為東境之關防也從此東行入大流
沙沙石流漫聚散隨風人行無迹遂多迷路

唐書西域傳于闐鼠大如蝟色類金出入羣鼠為
從初無桑蠶焉隣國不肯出其王即求昏許之將
迎乃告曰國無帛可持來自為衣女聞置蠶帽絮

中關守不敢驗自是始有蠶女刻石曰無殺蛾蛾
飛盡得治繭

又于關喜事妖神

又于關有河國人夜視月光盛處必得美玉
又于關以木為筆以玉為印

又于關西五十里有葉關

又于關西南三百八十里有皮山

又于關西三百九十里有吉良鎮

晉高居誨使于闐記河源所出至于闐分為三東
曰白玉河西曰綠玉河又西曰烏玉河三河皆有
玉而色異每歲秋水涸國君撈玉於河然後國人
得撈玉

又于闐王衣冠如中國常衣紫衣

宋史外國傳于闐謂金翅鳥為砮磻

又于闐使者言本國有玉一塊重二百三十七斤
文獻通考于闐以六月為歲首

又于闐貌恭謹相見皆跪凡得問遺書戴於首乃發之

明史西域傳于闐國桑麻禾黍宛然中土

續文獻通考于闐自漢至唐皆入貢風俗尚歌舞工紡績有胡錦花苴布安息香鷄舌香玉琥珀珊瑚

阿克蘇河境

漢書姑墨出銅鐵雌黃

水經注枝河又東逕溫宿國土地物類與大澤同
又土出銅鐵及雌黃

又釋氏西域記曰國有佛浴牀赤真檀木作之方
四尺王宮中供養

按漢書姑墨溫宿為今阿克蘓地尉頭為今烏
什地烏什水東南流併入阿克蘓河其入大河
處正當喀什噶爾葉爾羌和闐三水交會之地
是為塔里木大河之上流故阿克蘓河實蔥嶺

之北源也今採其遺蹟次於北山諸源之前其
序次仍從漢書始焉

唐書西域傳自龜茲踰小沙蹟有跋祿迦小國也
即漢姑墨國與龜茲言語稍異

又漢姑墨國西三百里度石磧至陵山蔥嶺北原
也水東流冬夏山谷皆雪

按陵山在阿克蘇之西北喀什噶爾之北即今
塔克善阿林之支峯也自此而西即為蔥嶺故

西域記唐書並以陵山為蔥嶺北原始墨河水
從此流出所云冬夏山谷皆雪亦與蔥嶺雪山
形狀髣髴云

塔里木大河經由諸境

漢書西域傳諸國大率土著有城郭田畜與匈奴
烏孫異俗蒲犁國寄田莎車依耐國少穀寄田疏
勒莎車輪臺以東捷枝渠犁皆故國也廣饒水草
田美種五穀與中國同時熟其傍國惟錐刀貴黃

金彩繒可以易穀食

又搜粟都尉桑宏羊與丞相御史奏言故輪臺以東接枝渠犁皆故國地廣饒水草有溉田五十頃以上處溫和田美可益通溝渠田一歲有積穀募人壯健有累重敢徙者詣田所就畜積為本業益墾溉田稍築列亭障連城而西以威西國

按輪臺尉犁扞彌捷枝諸地皆在塔里木大河之北濱於大河其精絕戎盧且末諸國在大河

之南為今沙磧地亦濱大河與北境相望漢設都護置屯田卒以其地壤肥衍可耕牧今回部語謂沃野可耕之地為塔里木古今形勢悉相符合是則河水灌溉之益在西域已受其利不獨秦隴開渠引水取資饒裕也

水經注其水又西出沙山鐵關又西南流逕連城別注裂以為田桑宏羊曰臣愚以為連城以西可遣屯田以威西國即此處也其水又屈而南逕渠

犁國西故史曰西有大河即斯水也又東南流逕渠犁國渠犁城西北去烏壘三百三十里漢武帝通西域屯渠犁即此處也南與精絕接東北與尉犁接又南注於河

按水經注其水西出沙山一條係叙敦薨水入河處即今愷都河以其下流所經為塔里木大河附近之地類次於此

又東逕樓蘭城南而東注蓋撥田士所屯故名城

禪國名耳

魏書西域傳東有輪臺其南三百里有大河東流
號計式水即黃河也

唐書地理志姑墨州南臨思渾河西北渡撥換河
中河距思渾河百二十里

又自撥換南而東經崑岡渡赤河又西南經神山
睢陽鹹泊又南經疏樹

北山庫車河境

漢書西域傳烏壘城與渠犂田官相近土地肥饒
於西域為中故都護治焉

又龜茲能鑄治有鉛

按庫車賽喇木拜城為漢以來龜茲國地其境
北距天山西按阿克蘇東接哈喇沙爾其南方
則沙雅爾城為塔里木大河境即輪臺渠犂漢
置田官屯卒處而烏壘城則漢之都護治所也
茲採輯河源軼事其傍源諸境足資考証者皆

所不遺庫車源在塔里木大河北境附葺列史
遺蹟分著於篇

水經注釋氏西域記曰屈茨北行二百里山夜
則火光晝日但烟人取此山炭治此山鐵恒充三
十六國用故郭義恭廣志云龜茲能鑄冶
又國北四十里山上有寺名雀離大清淨

晉書西域傳龜茲國有城郭其城三重中有佛塔
廟千所

又龜茲人以田種畜牧為業

又龜茲國王宮室壯麗煥若神居

魏書西域傳龜茲西北大山中有如膏者流出成川行數里入地如飴餠甚臭服之髮齒已落者能令更生病人服之皆愈

北史西域傳龜茲出麋皮良馬犂牛等多孔雀羣飛山谷人取而食之孳乳如雞鶩其王家恒有千餘隻云

又龜茲出安息香

唐書西域傳龜茲土宜麻麥秔葡萄

又龜茲出黃金

又龜茲歲朔開馬羊橐駝七日觀勝負以下歲盈

耗云

又龜茲旁行書文字同婆羅門

又龜茲俗尚歌樂

鄭樵通志七音序隋柱國沛公鄭諤云有龜茲人

曰蘇祇婆善琵琶聽其所奏一均之中間有七聲
問之則曰父在西域號為知音世相傳習調有七
種以其七調校之七聲實若合符一曰婆陀力華
言平聲即宮聲也二曰雞識華言長聲即南宮聲
也三曰河識華言質直聲即角聲也四曰河候加
濫華言應聲即變徵聲也五曰河臘華言應和聲
即徵聲也六曰般贍華言五聲即羽聲也七曰侯
利篋華言斛牛聲即變宮聲也就此七調又有五

旦之名但作七調以華譯之旦即均也

文獻通考隋有西國龜茲齊朝龜茲土龜茲等樂
凡三部開皇中列於七部有彈箏豎箏篳篥五
絃橫笛笙簫箏篳篥答獵鼓毛員鼓都曇鼓候提鼓
雞婁鼓腰鼓齊鼓檐鼓具皆一銅鉞二舞者四人
設五方獅子高丈餘飾以五方色每師子有十二
人畫衣執紅拂首加紅抹謂之師子郎樂工人皂
絲布頭巾緋絲布袍錦袖緋布褲舞者四人紅抹

額排襖白褲帑烏皮鞞其曲有小天疏勒鹽焉

宋史外國傳龜茲有米麥瓜果

又龜茲王衣黃衣寶冠以花藍布博易

續文獻通考龜茲地逐水草以居土產有胡粉孔
雀

欽定西域圖志樂有五音增二變二清為九音中土之
音數者咸有低昂亢墜率以曼取致若回部喀爾
奈色塔爾諸器九音俱備與中土無異第其音繁

節促少舒遲廣大之響而每於一調之中移宮換
羽累累相貫如環無端蓋回部地近天方本通音
律龜茲五旦七調又與中華五均七音之指相脗
合是以隋唐九部十部之樂西音居其六七諧聲
協律以東大雅足資採聽

又回部音樂之於古自高昌以下各有專條致為
賅備郭茂倩樂府所載七部十部等樂府內有龜
茲疏勒高昌等部皆屬今之回部舊精音律備太

常之掌

又庫車山洞中有漢字石刻方徑尺許用迴文折旋皆釋典語當屬唐時遺跡其緣起無考

按回部音樂諸屬大抵相同而龜茲尤為著名通志通考所載西域之樂皆龜茲之音也龜茲即今庫車地西域圖志叙次回部樂律亦以龜茲五旦七調為大凡茲附載於庫車條後以誌其梗概至山洞石刻古無知者亦足以備省覽

焉

北山愷都河境

山海經敦薨之山其上多榦其下多苾草敦薨之水出焉而西流注於沕澤

又天山多金玉有青雄黃

又沕山其上多嬰短之玉其陽多瑾瑜之玉其陰多青雄黃

又翼望之山無草木多金玉

按敦莞山在焉耆北即今喀喇沙爾屬內水經
注引之以證焉耆之水致為確鑿可據故節錄
於此

漢書西域傳山國出鐵

又焉耆國近海水多魚

後漢書西域傳焉耆能作弓矢

河西舊事白山冬夏有雪

按白山即天山以冬夏有雪得名自蔥嶺東北

折至哈密之東綿亘五千餘里今以諸書所載
多屬哈喇沙爾境內故類次於此

博物志徐公曰西域使王暢說石流黃出須彌山
去高昌八百里取流黃畫視孔中狀如烟而高數
尺夜視皆如燈光明高尺餘暢所親見之也

水經注焉耆國城居水之中在河水之洲川流所
積潭水斯漲溢而為海史記曰焉耆近海多魚鳥
是也

魏書西域傳焉耆國南海去海十餘里有魚鹽蒲葦
之饒

北史西域傳焉耆國有稻粟菽麥有蒲葦

又焉耆畜有駝馬養蠶不以為絲惟充綿纈有魚
鹽之饒

又焉耆俗事天神

又焉耆婚姻畧同華夏

又焉耆有弓刀甲殭

隋書西域傳白山一名阿羯山常有火及烟即是
出硎砂之處

唐西域記阿耆尼國舊曰烏

烏為焉
字之訛

耆四面據山

道嶮易守衆流交帶引水為田

唐書西域傳焉耆俗尚娛遨二月肅出野祀墓四
月望日游林七月七日祀生祖十月望日王始出
遊至歲盡乃止

又焉耆國有鹽利

又焉耆土宜黍葡萄



欽定四庫全書

史部
河源紀畧卷三十四

詳校官監察御史

臣王爾烈

刑部郎中

臣許兆椿覆勘

纂修官工部主事

臣王念孫

騰錄監生

臣趙錫寶

欽定四庫全書

河源紀畧卷三十四

雜錄三

羅布淖爾境

史記大宛傳鹽澤潛行地下其南則河源出焉而樓蘭姑師邑有城郭臨鹽澤

漢書西域傳西域自敦煌至鹽澤往往起亭障而輪臺渠犁皆有田卒數百人

又鄯善地沙鹵仰穀旁國多葭葦檉柳胡桐白草
且未有葡萄諸果

漢書地理志敦煌縣正西關外有蒲海

括地志蒲昌海一名輔日海亦名牢蘭海亦名臨
海在沙州西北

水經注龍城故姜賴之墟城基尚存而至大晨發
西門暮達東門澮其涯岸餘溜風吹稍成龍形西
南向海因名龍沙廣千里皆為鹽而剛堅也行人

所逕畜產皆布氊卧之掘發其下有大鹽方如巨枕故蒲昌海亦有鹽澤之稱也又樓蘭王質子尉屠耆請天子曰國有伊循城土地肥美願遣將屯田積粟令得依威重遂置田以鎮撫之

按伊循城舊蹟偏近蒲昌海之西南樓蘭國則在其稍東即漢時置田官耕屯之所後為沙山瀰漫遺蹟無存

聖朝疆理西域屯墾佃宅盡同內地去漢時鎮撫威攝

之習遠矣

又扞泥城其俗謂之東故城土地沙鹵少田仰穀
旁國國出玉多葭蒂檉柳胡桐白草國在東垂當
白龍堆乏水草常主發導負水擔糧迎送漢使故
彼俗謂是澤為牢蘭海也

唐書地理志交河郡領縣蒲昌有七屯城弩支城
石頭鎮潘仙鎮

肅州新志羅布淖爾在和卓

舊作火州
今改正

之南由土

爾番往南約五百餘里有大澤一區方圓數百里
塔里木河自西南來額爾勾河自正西來海都河
自西北來咸會于此自沙州之哈喇淖爾正西小
徑亦可達計程不及一月

闐展哈密諸泉境

漢書西域傳車師前國治交河城河水分流繞城
下故號交河

後漢書西域傳東且彌國廬帳居逐水草頗田作

其所出與蒲類同所居無常

又伊吾地宜五穀桑麻葡萄漢常與匈奴爭車師
伊吾以制西域

魏書高昌傳高昌去敦煌十三日行國有八城皆
有石蹟氣候溫暖厥土良沃北有赤石山七十里
有貧汗山夏有積雪

周書異域傳自敦煌向高昌國多沙磧道里不可
准記

按敦煌至高昌取道徑捷而中隔沙磧即東境
諸水伏流之地也伊吾路則今哈密一帶連山
相接以屬于肅州之嘉峪關其道迂迴險阻而
沙磧特少即東境諸泉從出之源也古今形勢
大畧相符水勢行程可以互相參考焉

北史西域傳高昌國俗事天神

又高昌出赤鹽味甚美復有白鹽其形如玉取以
為枕貢之中國

又高昌穀麥一歲再熟多五果又饒漆有草名羊刺其上生蜜而味甚佳多葡萄酒

又高昌國中羊馬牧在隱僻處以避寇非貴人不知其處

又高昌兵器有弓箭刀楯甲稍

又高昌都城周迴千八百四十步於坐室畫魯哀公問政於孔子像地無雨雪而極熱每盛夏皆穿地為穴以處

又高昌土沃麥禾皆再熟有草名曰壘擷花可織
為布

又高昌狗高六寸長尺能曳馬銜燭云出拂菻
又交河郡交河縣北八十里至龍泉館又北入谷
一百三十里經柳谷度金沙嶺經石會漢戍至北
庭都護府城

又自西州西南有南平安昌兩城百二十里至天
山西南入谷經礪石磧

又西州西南經礪石磧二百二十里至銀山磧

又伊州東北四澗水並南流至州南十八里合流
為一水側近皆有良田

又陸鹽池在伊州南六十里周迴十餘里無魚水
自生鹽如海鹽月滿則鹽多而甘月虧則鹽少而
苦

通典自張掖而西至于庭州相去三千五百六十
里而山皆周徧

王延德高昌行記伊州有羊尾大而不能走尾重者三斤小者一斤肉如熊白而甚美貴人食馬餘食馬及鳧雁出貂鼠地多馬王及王后太子各養馬放牧平川中彌亘百餘里以毛色分別為羣莫知其數善馬直絹一匹駑馬充食纔直一丈

又伊州有礪石剖之得賓鐵謂之喫鐵石金嶺口寶貨所出北山中出礪砂山常有烟氣涌起無雲霧至夕光燭若炬火照見禽鼠皆赤彩

又伊州生胡桐樹經雨即生胡桐律地產五穀惟
無蕎麥多美草不生花

又樂多琵琶瑩篪國王拜受賜旁有持磬者擊以
節拜遂張樂宴飲為優戲明日泛舟于池中作鼓
樂俗好音樂行者必抱樂器

又金嶺上有龍堂刻石記云小雪山也嶺上積雪
行人皆服毛罽度嶺一日至北庭

又善金銀銅鐵為器及攻玉

又用開元七年歷以三月九日為寒食以銀或鑰石為筒貯水激以射或以水交潑為戲謂之壓陽氣去病居民春月多羣聚遨樂遊者馬上持弓矢諸物謂之禳災

宋史外國傳有水源出金嶺導之周圍國城以溉田園作水磴

又王延德使高昌至鬼谷口避風驛凡八日至澤田寺高昌聞使至遣人來迎次歷地名寶莊又歷

六種乃至高昌高昌即西州也

文獻通考銅角高昌之樂器也形如牛角長二尺
西魏與高昌通始有高昌部之樂以備燕饗隋開
皇中獻聖明樂曲唐太宗伐其國盡得其樂其器
有監塋篪琵琶五絃笙笛簫威篳毛員鼓都曇鼓
答臘鼓腰鼓羯鼓雞婁鼓銅鼓銅鈸具等十五種
為一部工二十人舞人白襖錦袖赤皮鞞赤皮帶
紅抹額

明史西域傳柳城四面皆田園流水環繞樹木蔭翳土宜稌麥豆麻有桃李棗瓜胡蘆之屬而葡萄最多小而甘無核名鎖子葡萄

又柳城畜有牛羊馬駝

明統志輝和爾

舊作畏吾兒今改正

河在哈密城東一百三

十餘里沿河沙柳蒺藜

續文獻通考哈密衛為西域諸番往來要道人性獷悍居惟土房服食異制土產有玉鎮鐵礪石中

剖之乃得大尾羊大者重三斤小者一斤肉如熊
白而美有香棗

又土爾番文字同中土有毛詩魯論歷代子史不
產五穀貴人食馬餘食羊肉時節潑水為戲土產
有葡萄刺密羊刺草金剛鑽

一統志哈密人驍悍土良沃國有三種共處一城
遠使入貢馱水以行

又哈密城北土人名濶石圖漢言碑嶺也上有唐

碑文多駁落尚存侯君集領十四萬軍等字按唐
貞觀十三年拜侯君集為交河道大總管以薛萬
均薩孤吳仁副之契必何力為蔥山道副大總管
牛進達為行軍總管以伐高昌十四年拔其城高
昌降君集刻石紀功而還高昌即土爾番地此嶺
在天山上當是君集既平高昌凱旋而東以天山
高峻做實憲勒銘燕然之意震耀武功非勒石于
高昌國都也

水道提綱自土爾番城東稍南至哈密古伊吾地
千二百里沙地依水泉為聚落無大川澤惟哈密
有一河在城東南南北長百里許曰哈喇烏蘓

哈拉淖爾諸泉境

漢書武帝紀元鼎四年秋馬生渥洼中作天馬之
歌注李斐曰南陽新野有暴利長當武帝時遭刑
屯田敦煌界數于此水旁見羣野馬中有異者與
凡馬來飲此水利長先作土人持勒鞞于水旁後

馬玩習久之代土人持勒鞞收得其馬獻之欲神
異此馬云從水中出

漢書地理志注氐置水出南羌中東北入澤溉田
按漢地理志南籍端水即今布隆吉河氐置水
即今黨河西北入澤即今哈拉淖爾與羅布淖
爾相望者也此數水源流千餘里發源東南瀾
流西北于東境中為最大其西流之形勢亘古
不易足為東境諸泉涯趨鹽澤之明證云

後漢書郡國志延壽縣南有山石出泉注地為溝
其水肥如煮肉洎肉汁也凝膏然之極明不可食謂
之石漆

唐碑雷音寺朝散大夫鄭王府諮議隴西李太賓
碑信士朝散大夫鄭王府諮議隴西李太賓興聖
皇帝十三代孫天授純粹神假正直巡山作禮歷
險經行千金貿工百堵興役塑湟盤像一鋪如意
輪菩薩不空罽索菩薩各一鋪畫報恩天請問普

賢菩薩文殊師利菩薩東方藥師西方淨土千手
千眼觀世音菩薩彌勒上生下生如意輪不空罍
索等變各一鋪賢劫千佛一千軀初抔土塗旋布
錯彩豁開石壁儼現金容千佛分身聚成沙界八
部數衆重圍鐵山爾其簷飛雁翅砌盤龍鱗雲霧
生于戶牖雷霆走于階陛左豁平陸目極遠山前
引長河波映重閣沙門釋靈悟法師諮議之愛弟
也引兄大賓弟大英姪子良子液子望子羽等拜

手于階下法師及姪僧志融飲袂于堂上龍集景
辰辛未建鄉貢明經攝敦煌州學博士陰庭誠

又雷音寺唐涼州司馬檢校國子祭酒兼御史中

丞

缺

碑至德年中十郡土分彌絕玉關之路凡三

甲子中興啟逢是金星耀芒之歲皇化溥洽通于

八紘府君春秋纔方弱冠始蒙表薦勅授涼州司

馬檢校國子祭酒兼御史中丞賜紫金魚袋錫金

銀寶貝詔命陪臣乃歸戎幕龍頭霧卷金河汎湍

瀨之波蒲海梟鯨流沙弛列烽之患百城無拜井
之虞十郡賀來蘓之政三邊無警四人有暇迴顧
粉壁念疇昔之遺蹤瞻禮玉毫歎紅樓之半側乃
募良工訪其杞梓貿材運斧百堵

缺一字

成亡兄河

西節度衙推兼監察御史明達兄明德任沙州錄
事叅軍兄明詮敦煌處士長男使持節沙州諸軍

事

缺一字

沙州刺史兼節度副使檢校右散騎常侍

御史大夫上柱圖宏愿次男使持節瓜州刺史墨

離軍押蕃落等使兼御史大夫宏定次男使持節

甘州刺史

缺一字

御史中丞上柱國宏諫次男朝議

郎前守左神軍

缺二字

兼侍御史宏益于時豐年天

稔星使西臨親抵敦煌頒宣聖旨歲次甲寅十月

庚申朔五日

此碑前後多有缺文不能盡錄

按燉煌縣東南十里有鳴沙山其東為千佛洞

有雷音寺巖石間佛像萬計寺有唐朝散大夫

鄭王府諮議隴西李太賓碑及唐涼州司馬檢

校國子祭酒兼御史中丞

姓氏缺

碑二碑中多缺

字具載

欽定西域圖志中今摘錄大畧附識于此覽古者得以
考焉

元和志懸泉水出懸泉山漢時李廣利伐大宛還
士衆渴乏引佩刀刺山飛泉湧出

又石脂水泉中有苔如肥肉然之極明水上有黑
脂人以草蓋取用塗鵠夷酒囊及膏車周武帝宣

政中突厥圍酒泉取此脂然火焚其攻具得水愈
明酒泉賴以獲濟

太平寰宇記玉門縣長三百里石門周匝山間方
勾山海經注西安州即唐鹽州西至流沙六日沙
深細沒馬脰無水源即古流沙二日至西海
大河伏地自西域入青海沙磧孔道境

河圖括地象水有懸泉之神山有鳴沙之異

漢書匈奴傳白龍堆孟康註曰白龍堆形如土龍

有身無頭有尾高大者二三大卑者丈餘皆東北
向在西域中班超傳亦謂之龍沙

漢書西域傳出陽關自近者始曰姑羌姑羌山有
鐵自作兵兵有弓矛服刀劍甲

又車師有新道出五船北通玉門關戍已校尉徐
普欲開以省道里半避白龍堆之阨

又樓蘭最近漢東垂白龍堆乏水草

漢書地理志敦煌郡正西關外有白龍堆沙

按流沙龍沙白龍堆諸書異名其實即一沙也
其地联接姑羌樓蘭鄯善之境東接敦煌為大
河伏流孔道諸書言之水草言多索駝言形如
土龍沙磧之形勢物產班班可見故類次于此
河西舊事三危山有三峯故曰山危俗稱為舁雨
山在縣南二十里

博物志齊桓公出因與管仲故道自敦煌西涉流
沙往外國沙石千餘里中無水時則有伏流處人

莫能知皆乘駱駝駱駝知水脈遇其處輒停不肯
行以足蹋地人于其蹋處掘之得水郭璞索駝贊
曰駝唯奇畜肉鞍是被迅驚流沙顯功絕地潛識
泉源微乎其智

晉書西戎傳弱水出流沙流沙與水流行也北山
有石赤白色以兩石相打則水潤打之不己潤盡
火出山石皆然炎起數丈不滅有大黑風自流沙
出奄之乃滅其石如初

唐西域記覩貨邏故國國久空曠城皆荒蕪折摩
馱那故國即且末地也域郭歸然人烟斷絕復此
東行千餘里至納縛波故國即樓蘭地也

唐書吐蕃傳莫賀延磧磧廣五十里北自沙州西
南入吐谷渾寢狹故號磧尾

元和志古伊州東南取莫賀磧路至瓜州九百里
領縣三伊吾納職柔遠

又鹽池海在伊吾縣南三百里周廻百餘里

五代史瓜州南十里有鳴沙山冬夏殷殷有聲知雷

又高居誨記沙州西曰仲雲其牙帳居胡盧磧云仲雲者小月支之遺種也胡盧磧漢明帝時征匈奴屯田於吾盧蓋其地也地無水而常寒多雪每春暖雪消乃得水匡鄴等西行入仲雲界至大屯城

宋王延德高昌行紀歷伊州次歷益都次歷納職

城在大患鬼魁磧之東南無水草載糧以行凡三日息鬼谷口避風驛凡八日至驛田寺

按莫賀延磧再見於唐書一見于元和志五代史則為胡盧磧宋王延德行紀則為大患鬼魁磧地有殊名實一而已正當沙道之中河伏于下磧見於上其孔道蓋千五百里云

寰宇記鳴沙山一名沙角山

鄭樵通志白龍堆在敦煌縣西境玉門關之西沙

形如卧龍高者二三丈卑者丈餘綿延起伏西盡
流沙之地

明統志流沙在白龍堆西沙多土少東西數百里
渺無垠埃

欽定四庫全書

卷三十四

欽定四庫全書

河源紀畧卷三十五

雜錄四

河源重發阿勒坦郭勒至鄂敦他臘境

漢書地理志金城郡臨菑縣西北塞外有西王母石室有弱水崑崙山祠

按漢書地理志崑崙山祠統言臨菑西北塞外未確指其為何地後人多據之以為大河重發

之處即係昆侖未免名實混淆茲錄漢志原文而訂正其說於此

博物志九河之水起于黃河黃河上通于天源出星宿初出甚清帶赤色後以諸羗之水注之而濁按星宿海之為河源其說發於元使然考博物志有河源出星宿海之論唐書有栢海星宿川之文則知河源之稱由來久矣以重源再發之處為初源其悞不自元人始也至謂上通於天

源出星宿則又因列星形似而附會為荒唐之說總由未覩真源徒滋臆說正之以阿勒坦郭勒之黃水始知初出甚清之為譌語也

新唐書吐谷渾傳道宗曰栢海近河源古未有至者君集道宗行空荒二千里盛夏降霜乏水草士糜冰馬秣雪閱月次星宿川達栢海上覽觀河源元史河源附錄寧河驛西南六十里有山曰殺馬關林麓穹隘舉足浸高行一日至巔西去愈高四

閱月始抵河源

又朶甘思西鄙有泉百餘泓沮洳散渙弗可逼視
方可七八十里履高山下瞰燦若列星以故名鄂

敦他臘鄂敦譯言星宿也

鄂敦他臘原作火敦他臘今譯改

又連屬吞噬迤邐東驚成川號赤賓河

又九渡河通廣五七里可渡馬又四五日水渾濁

土人挹革囊騎過之聚落糾木幹衆舟傳髦革以

濟僅容兩人

按漢書水經注于大河重發之地皆以積石概之未能細述其曲折元使所窮蹤跡頗著乃僅至鄂敦他臘而止未獲上溯真源蓋由未覩水色宜其懵然於潛入處也至其所載經由形勢頗可採擇今附著卷中

明史西域傳安定衛廣袤千里東近罕東北通沙州南接西番居無城郭以毳帳為廬舍產多駝馬羊牛

一統志查靈海在黃河源鄂敦他臘之東廣二百餘里東西長南北狹黃河亘其中而流湖水色白而形長

又鄂靈海在查靈海東五十餘里周三百餘里其形自東北趨西南東北狹西南廣黃河經其中自東北流出湖水色青而形長

又拉母拖羅海山在黃河源阿勒坦河南岸自河源鄂敦他臘至巴顏喀喇一帶絕無高大之山惟

此稍覺崇隆

又馬尼圖山在烏藍得什山東其山甚大石上有
昔人鐫刻漢文

又查爾雜通布山在雜普通古查哈蘓拖羅海山
東南山有七峯極高大冬夏積雪不消

水道提綱河源南岸有古爾板蒙袞拖羅海山三
峯相並又有拉母拖羅海山稍崇峻西南有阿拉
爾巴顏喀喇嶺其脈西自金沙江源犁石山蜿蜒

東來山石黑色蒙古謂富貴為巴顏黑為喀喇即
唐劉元鼎所謂紫山者阿爾坦河雖元人尋源但
知起星宿海未知其西尚有本源蒙古謂金為阿
爾坦言水色微黃而溜甚急真河源也

又星宿海于羣山圍繞中平地有泉千百泓並湧
望若列星阿勒坦河自西南來皆匯自巴顏喀喇
山東北連亘為阿克塔齊欽及巴爾布哈二山高
大異常一則兩峯如馬耳正當其北一則兩崖壁

立當其東北

又鄂敦他臘以東四五百里中地皆灘磧藪澤水
泉分合鉅細不常黃河猶綠色以衆流奔湊漸變
而黃額得靈諸泉眼並湧亦若星宿海然但小耳
按阿勒坦河在鄂敦他臘之西古所未到羣山
形勢與其物產事蹟未有能詳言之者

皇朝輿地式廓一統志及水道提綱所載可資映證至
其以巴顏喀喇山即為昆侖尚沿舊說之誤未

能訂正今逢

命使窮探真源昭著得以稟承

聖訓分別採錄爰加刪節庶以釐正其是非焉

阿本柰瑪勒占木遜山境

司馬彪漢書注云析支西濱河首今大雪山東南
黃河旋繞之處俗名出外河套即古析支河曲地
博物志河水至積石山始有草木

水經注積石山在西羌之中燒當所居也

司馬彪曰西羌者自折支以西濱於河首左右居也河水屈而東北流逕折支之地是為河曲矣應劭曰折支去河關千餘里羌人所居謂之河曲羌也

又十三州志曰南津西六十里有白土城在大河之北而為緣河濟渡之處

又段國曰澆河西南百七十里有黃沙南北百二十里東西七十里西極大楊川望黃沙猶若人委

乾棘於地都不生草木蕩然黃沙周圍數百里
唐書吐谷渾傳吐蕃使請河西九曲之地以為金
城公主湯沐之所既得九曲其地肥良堪頓兵畜
牧

又党項傳党項漢西羌別種古析支也處山谷崎
嶇以姓別為部土著有棟宇織犛尾羊毛覆屋歲
一易俗尚武無法令人壽多過百歲男女衣裘褐
被羶畜犛牛馬驢羊不耕稼地寒五月草生八月

霜降無文字候草木記歲三年一相聚殺牛羊祭
天取麥他國以釀酒

又党項器械鈍苦畏唐兵精以善馬購鎧以善羊
貿弓矢

元史河源附錄大雪山山腹至頂皆雪冬夏不消
土人言遠年成冰時六月見之

又曰崑崙以西人簡少多處山南山皆北穹峻水
亦散漫獸有髦牛野馬狼狽獬羊之類其東山益

高地益漸下岸狹隘有狐可一躍而越之處

明史西域都指揮李英率軍深入追賊踰崑崙山
西行數百里抵安定曲端銜遇安定賊擊敗之獲
駝馬牛十四萬有奇

按元史明史所言崑崙皆積石山之誤

一統志積石山即今大雪山綿亘三百餘里上有
九峯高入雲霧為青海諸山之冠中峯亭然獨出
百里外即望見之積雪成冰歷年不消峯巒皆白

形勢險峻瘴氣甚重人罕登陟今土人以此山為
西海之望山四時禱祀焉其西海左右前後山之
高大者共十三山番俗皆分祭之而以此為最
又松噶爾渡在黃河自東折西之處兩岸石崖掩
日河行其中十月初早凍至三月尚未解土人俟
冰堅時從此渡

又噶哈渡在黃河折西流之處亦冰渡也

又烏藍芒奈渡在黃河折西流之處兩岸高峯夾

聳河流其間故水淺可以馬渡

按阿木柰瑪勒占木遜山延亘三百餘里大河
繞其三面一千數百里河水之外羣山圍繞皆
大河曲折經由之境也恭讀

大清一統志備錄大雪山形勝羅列盤輿視元史所載
精詳蓋不啻十倍過云

庫庫淖爾境

漢書地理志金城郡臨羌西北至塞外有仙海鹽

池

又趙充國傳治隍陁以西道橋七十所令可至鮮
水

後漢書西羌傳西羌所居無常隨水草地少五穀
以畜牧為業堪耐寒苦不避風雪性堅剛勇猛得
西方金行之氣焉

又河隍間少五穀多禽獸以射獵為事

又大小榆谷土地肥美北阻大河因以為關又有

西海魚鹽之利緣山濱水以廣田畜

水經注湟水出塞外東逕西王母石室石釜西海
鹽池北

按湟水入大河處在河州地其發源及經由之
境則自庫庫淖爾西境而絡其北水經注所叙
湟源正庫庫淖爾之北方謹附載於此

又土樓北倚山原峯高三百尺有若削成樓下有
神祠雕牆故壁存焉闕駟曰西平北有土樓神祠

也

又縣有龍泉出允街谷泉眼之中水紋成蛟龍或
撓破之尋平成龍畜生將飲者皆畏避而走謂之
龍泉

又城之西南有馬蹏谷漢武帝聞大宛有天馬遣
李廣利伐之始得此馬有角為奇故武帝天馬之
歌曰天馬來兮歷無草還千里兮循東道胡馬感
北風之思遂頓羈絕絆驤首而馳晨發京城夕至

敦煌北塞外長鳴而去因名其處曰候馬亭今晉
昌郡南及廣武馬蹏谷盤石上馬跡若踐泥中有
自然之形故其俗號曰天馬徑夷人在邊效刻是
有大小之迹體狀不同視之便別

魏書吐谷渾傳吐谷渾從洮水西南極白蘭數千
里中逐水草廬帳而居以肉酪為糧

又青海周圍千餘里海內有小山每冬冰合後以
良牝馬置此山至來春收之馬皆有孕所生之駒

號為龍種必多駿異吐谷渾嘗得波斯草馬放入
海因生驄駒日行千里世傳青海驄者是也土出
犛牛馬多鸚鵡饒銅鐵硃砂

隋書煬帝紀大業五年置馬牧於青海渚中

隋書吐谷渾傳伏俟城在青海西十五里有城郭
而不居隨逐水草其主以卑為媚妻戴金花冠其
器械衣服畧與中國同其王公貴人多戴罽毼婦
人裙襦辮髮綴以珠貝有大麥粟豆多犛牛饒銅

鐵硃砂

唐書哥舒翰傳翰築神威軍于青海上有白龍見
因號應龍城

唐書吐谷渾傳吐谷渾地多寒宜麥菽粟蕪菁出
小馬犛牛銅鐵丹砂有青海周八九百里

唐書地理志鄯州鄯城注自振武軍經尉遲川苦
跋海王孝傑米柵九十里至莫離驛又經公主佛
堂大非山二百八十里至那錄驛吐谷渾界也

唐十道山川圖大非山在青海南

通志熱水山南出煖水流入青海北出冷泉即西
寧河源

明史西海水草豐美番人環居之專務畜牧日益
繁滋素號樂土

又諳達美青海饒富襲據其地子嗣立以焚修為

名請建寺青海許之寺成賜額仰華

諳達舊作俺
答今譯改

明統志青海在西寧衛城西三百餘里海方數百

里有魚無鱗背負黑點西有二十七道水匯為西
海冬夏不溢不乾自日月山望之如黑雲冉冉而
來

一統志按西海周迴七百五十餘里中有山名魁
孫拖羅海有峯名插漢東西對峙水色青綠中流
高起

又青海產無鱗魚頭銳身圓無鱗背負黑點自二
三寸至四五寸土人名小者為拏虎大者為布哈

又察漢拖羅海烏爾圖山在青海西南

又環青海之濱者有十三山土人皆名烏爾圖謂之十三角云

又魁孫拖羅海山在青海中峯巒純白上有小廟廟內番僧于冰合時出取一年之糧入居焉又插漢峯在青海中近西岸與魁孫拖羅海山東南對峙其峯卑小多土少石

又鹽池在青海西南產青鹽凡青海蒙古與西寧

一郡軍民並各種番回食鹽皆取給於此

按自昔言青海者必以仙海鹽池並稱鹽池為
今之柴集必拉在青海西南大河自西北折東
流之處青海黃河南北相望而鹽池實處其中
其東境鹽池盡處則河水與青海接近相隔止
一山耳池海饒行為今蒙古駐牧勝地古來番
羌雜處羈置不常蓋至

盛朝而疆理周密如內地云

流入貴德堡境

水經注自兆嶺南北三百里中地草徧是龍鬚而
無樵柴

又段國沙州記吐谷渾於河上作橋長一百五十
步兩岸累石作基階節節相次大小縱橫更相鎮
壓兩邊俱來相去三丈以板橫次之施鉤欄甚嚴
飾在清水川東也

唐書吐蕃傳遣將軍李佺於赤嶺與吐蕃分界立

碑

又杜希望率衆攻吐蕃新城拔之以其城為威武
軍又發兵奪吐蕃河橋於河左築鹽泉城置鎮西
軍

宋史吐蕃傳唃廝囉居鄭州西有臨谷城通青海
商人皆貿賣以故富強

元史河源附錄自發源至漢地南北澗溪細流傍
貫莫知紀極山皆草石至積石方林木暢茂

一統志阿拉爾查渡在黃河西流折西北之處用牛草裹木為船以二馬牽之而渡元史云糾木幹象舟傅毛革以濟僅容兩人是也

又故貴德州在河州西八百二十里即今貴德堡元置屬吐蕃等處宣慰司明為歸德所

又河州志故貴德州地多水田花果蔬禾鳥獸魚畜不異中土

水道提綱自入歸德堡邊始名黃河自己顏喀喇

山發源至歸德堡邊凡三大折派二千三百餘里
自歸德堡東流又四百餘里經積石關入河州界
按元史載星宿海河源至河州四千五百里蓋
以行程日數約畧計算又因河水發源不宜過
近故鋪張言之惟一統志及水道提綱所云二
千三百餘里則一以

欽定輿圖星度為據依視前史尤為得實云